

քանակը, այդ օրերին, հասնում էր 10,000 հոգու՝ բաղկացած հետեւեալ մասերից. 4րդ գունդը՝ 1,500 սւին, 5րդ գունդը՝ 800, պարտիզանական առաջին գունդը՝ 1,200, Երզնկայի գունդը՝ 700, Մակուի գունդը՝ 300, սպայակոյտի պարէտի գումարտակը՝ 200, Վանի առաջին և երկրորդ գնդերը՝ 2,500 սւին, 2րդ ձիաւոր գունդը՝ 700, 2էյթունի ձիաւոր գունդը՝ 500, պարտիզանական ձիաւոր գունդը՝ 800, յատուկ ձիաւոր գունդը՝ 500, Սմբատի, Դալի Ղազարի, Մուրատի խմբերը՝ 500 ձիաւոր, և 4 մարտկոց 16 թնդանօթներով*) :

Այս ուժերը բաժանւած էին երկու մասի. մի մասը Դրօի հրամանատարութեան տակ Բաշ-Աբարանի ճակատում, միւսը՝ զօր. Դանիէլ բէդ Փիրումեանի հրամանատարութեան տակ Սարղարապատի դաշտում : Զօրքերի ընդհանուր հրամանատարն էր զօր. Սիլիկեանը, սպայակոյտի պետ՝ գնդ. Վեքիլեանը, որ և գծել էր կուրի ընդհանուր յատակագիծը :

Թիւրքերի կողմից, Սարղարապատի ճակատում, գործում էր 5րդ զելվիզիան և բազմաթիւ անկանոն խմբեր, իսկ Բաշ-Աբարանի ուղղութեամբ՝ 3րդ զելվիզիան :

Կուրները սկսեցին Սարղարապատում, ուր մեր զօրքերը գրաւել էին Ղարախանլու-Քեորփալու-2էյվա գիւղերի գիծը : Մայիս 21—22-ին տեղի ունեցան մասնակի ընդհարումներ. թշնամին որոնում էր հակառակորդի թոյլ տեղը՝ վճռական գրոհի գիծելու համար : Մայիս 23-ին զօր. Սիլիկեանը տեց հակայարձակման հրաման : Հայկական ուժերը նետուեցին առաջ : Բռնկեց կատաղի ճակատամարտների երկար մի շարք : Թիւրքերը ցոյց տւին յամառ դիմադրութիւն՝ անցնելով բազմաթիւ հակայարձակումների : Ամբողջ օր, առաւօտից մինչև երեկոյ, որոտում էին թնդանօթները, որոնց գոռոցը հասնում էր մինչև Երեւան, ուր նոյնպէս տիրում էր տենդոտ եռ ու զեռ : Թիւրքները սայլերով, էշերով, ձեռքերով ռազմաթերք էին հասցնում կուռղներին, հաց, ծխախոտ, խմելու ջուր... Բազմաթիւ կամաւորներ՝ ծեր ու երիտասարդ՝ ռազմաճակատ էին շտապում : Ծաղկատի գինւորը չէր միայն — ամբողջ երկիրը մի մարդ, մի շունչ դարձած՝ կուռում էր մահացու թշնամու դէմ :

Մայիս 24-ին թիւրքերը դիմեցին փախուստի : Մերոնք հալածեցին ոգեւորւած : Թշնամին յուսահատական դիմադրութիւն էր ցոյց տալիս և աշխատում դիրքեր գրաւել, բայց մերոնց շեշտակի հարւածների տակ շարունակեց փախուստը : Յաղթութիւնը մերն էր :

Այդ յաղթանակի առթիւ, նոյն օրը երեկոյեան, զօր. Սիլիկեանը ժողովրդին ուղղեց հետեւեալ սրտառուչ կոչը .

«Հայե՛ր, շտապեցէ՛ք հայրենիքն ազատելու :

Հասել է ըոպէն, երբ իւրաքանչիւր հայ՝ մոռանալով իր անձնականը, յանուն Մեծ Գործի՝ հայրենիքի փրկութեան և իր կնոջ ու աղջիկների պատւի պաշտպանութեան, պէտք է գործ դնի իր վերջին ճիգը՝ թշնամուն հարւածելու համար :

*) Յ. Մելիքեան, «Արեան ճանապարհով», «Հայրենիք» ամս., 1925թ. մայիս :